



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՅԱՆՎՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՄԱՆՈՐԻ ԱՌԻԹՈՎ ՄՏԵՐՄԻԿ ԵՐԵԿՈՅԹ ԱԶԳԱՅԻՆ ԱՌԱՋՆՈՐԴԱՐԱՆԻ ԸՆՏԱՆԻՔԻՆ ՀԱՄԱՐ

Երեքշաբթի, 27 Դեկտեմբերի երեկոյեան, Ազգային Առաջնորդարանի «Տիգրան եւ Չարուհի Տեր Ղազարեան» սրահը ժամադրավայրը եղաւ Ազգ. Առաջնորդարանի մեծ ընտանիքի անդամներու եւ ներկայացուցիչներու համար, որոնք նոր տարուան սեմին, հաճելի պահ մը բոլորեցին Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի եւ ժողովականութեան անդամներու հետ:

Երեկոն կազմակերպուած էր Ազգ. Առաջնորդարանի Տիկնանց Օժանդակ Մարմինին կողմէ, որ տարիներէ ի վեր գեղեցիկ աւանդութիւն մը հաստատած է հիւրընկալելու անձնակազմն ու ժողովականութեան ներկայացուցիչները: Այս տարի, երեկոյթին հրաւիրուած էին նաեւ Ն.Ս.Օ.Տ.Տ. Արամ Ա. Կաթողիկոսի հովուապետական այցելութեան առիթով կազմուած յանձնախումբերուն, ինչպէս նաեւ Ազգ. Առաջնորդարանի յարկին տակ գործող յանձնախումբերուն ու մարմիններուն անդամները:

Ընթրիքի սեղանի շուրջ կազմակերպուած երեկոն առաւելաբար ընկերային պահ մըն էր, քան թէ նախատեսուած յայտագիրով առաջնորդուող հանդիպում: Առաջնորդ Սրբազանին կողքին, ներկայ էին Հոգեւորականաց Դասու ներկայացուցիչներ, Ազգ. Կեդրոնական Վարչութեան անդամ եւ հովուապետական այցելութեան Գործադիր Մարմինի ատենապետ Տիար Խաժակ Տիքիճեան, Ազգ. Վարչութեան եւ յանձնախումբերու անդամներ:

Տիկնանց Օժանդակ Մարմինի ատենապետուհի Տիկին Սալբի Սրուբեան արտասանեց բացման հակիրճ խօսք մը, անդրադարձաւ հանդիպումի առիթին ու բարի տարի մը մաղթեց ներկաներուն:

Առաջնորդ Սրբազանը կատարեց սեղաններու օրհնութիւնը: Տիար Խ. Տիքիճեան ձայնակցեցաւ Առաջնորդ Սրբազանին՝ գնահատանք արձանագրելով Վեհափառ Հայրապետին այցելութիւնը յաջողութեամբ պսակելու մէջ բաժին ունեցող բոլոր անհատներուն ու յանձնախումբերուն, որոնք ցոյց տուին, որ Ազգ. Առաջնորդարանը իր կողքին ունի պատրաստակամ գործողներ:

Արժ. Տ. Վազգէն Քնյ. Աթմաճեան կատարեց հանդիսավարութիւնը: Ան յաջորդաբար սրտի խօսք արտասանելու հրաւիրեց Ազգ. Վարչութեան ատենապետուհի Տիկին Ռիմա Պօղոսեանն ու յանձնախումբերու

ներկայացուցիչները, որոնք ընդհանրապես արտայայտուեցան հովուապետական այցելութեան առիթով ստեղծուած գործակցական մթնոլորտին, իրագործումներու ճամբով ձեռք բերուած փորձառութեանց ու հաստատուած բարեկամութեանց մասին, վեր առնելով Առաջնորդ Սրբազանին ու Ազգ. Առաջնորդարանին դերակատարութիւնը՝ մեր հաւաքական կեանքին մէջ: Յանպատրաստից յայտագիրը ունեցաւ նաեւ գեղարուեստական բաժին, որ ծաղկեցաւ երգերով, նուագով ու հաճելի պատումներով:

Մտաւորապէս երեք ժամուան վրայ երկարող երեկոյթը իր աւարտին հասաւ Առաջնորդ Սրբազանին օրհնութեան ու գնահատանքի խօսքով: Ան բարձր գնահատեց Ազգ. Առաջնորդարանի գործին մասնակից եղող նուիրեալներն ու ծառայողները, բոլորին մաղթեց բարի տարի եւ յոյս յայտնեց, որ Ս. Ծննդեան խորհուրդը լիցքաւորէ բոլորիս կեանքերն ու աշխատանքի առօրեան: Ան նաեւ յուշանուէրներ յանձնեց ներկաներուն:

Մտերմիկ հանդիպումը վերջ գտաւ «Կիլիկիա»ի խմբերգումով:

NEW YEAR AND CHRISTMAS RECEPTION HELD AT THE PRELACY

Near the end of each year, Clergy, Executive Council, members of Prelacy committees and staff join H.E. Archbishop Moushegh Mardirossian, Prelate, for a New Year and Christmas reception hosted by the Prelacy Ladies Auxiliary at the "Dikran and Zarouhie Der Ghazarian" Hall.

This year's reception took place on the evening of Tuesday, December 27th, and included members of Pontifical Visit committees. Central Executive Council member and Pontifical Visit Steering Committee Chair Mr. Khajag Dikijian was among the guests in attendance.

The dinner began with welcoming remarks by Ladies Auxiliary Chair Mrs. Salpi Ssourian, who wished a happy New Year and a Merry Christmas to the guests.

The Prelate blessed the tables and conveyed his well wishes.

Mr. Dikijian thanked the members of the various Pontifical Visit committees for their time and contributions.

The evening's Master of Ceremonies, Rev. Fr. Vazken Atmajian, then subsequently invited Executive Council Chair Mrs. Rima Boghossian and members of various committees to convey their thoughts and well wishes, all of whom expressed praise for the leadership of the Prelate and Prelacy in our collective lives, and spoke highly of the friendship, collaboration, and unity which made the Pontifical Visit a success.

The dinner also included an impromptu cultural program of song and music.

In the closing message, the Prelate highly commended the service and commitment of the Prelacy's volunteer committee members, wished them a blessed New Year and for the spirit of Christmas to uplift and inspire them all. The guests were then presented with mementos.

The dinner came to a close with the benediction by the Prelate, and the singing of the Cilician anthem.